



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 КТПО 0020274 21  
Sarajevo, 04.10.2022.godine

## B O S N A I H E R C E G O V I N A

S U D  
BOSNE I HERCEGOVINE  
SARAJEVO

Na osnovu čl. 35 stav 2 tačka i), čl. 226 stav 1 i čl. 227 Zakona o krivičnom postupku Bosne i Hercegovine, podižem

## O P T U Ź N I C U

protiv osumnjičenih:

█ **ELVIRE BREKO** █, rođene █ 1976.  
godine u Tuzli, █  
█ državljanke Bosne i Hercegovine, █  
█

█ **„BAT TRANS“ d.o.o. za proizvodnju i promet roba i usluga, export-import Živinice,**  
skraćena oznaka firme **„BAT TRANS“ d.o.o. Živinice** █  
█

što su:

1. **ELVIRA BREKO** u periodu od 01.01.2018.godine do 31.12.2019. godine u Živinicama svojstvu osnivača i odgovorne osobe u pravnoj osobi „BAT TRANS“ d.o.o. Živinice, sa sjedištem u █ Živinice koja je obveznik poreza na dodatnu vrijednost u smislu čl. 12. i 13. Zakona o porezu na dodatnu vrijednost („Službeni glasnik BiH“, broj: 9/95 i 35/95) i člana 57. Zakona o postupku indirektnog oporezivanja („Službeni glasnik BiH“, broj: 89/05), sa identifikacionim brojem: █, u namjeri da pravno osoba „BAT TRANS“ d.o.o. Živinice izbjegne plaćanje davanja propisanih zakonodavstvom BiH suprotno odredbama čl. 3, 4, 17, 20, 32, 38. i 39. 55 Zakona o porezu na dodatnu vrijednost i člana 5. i 11. Pravilnika o primjeni zakona o porezu na dodatnu vrijednost („Službeni glasnik BiH“, broj: 93/05, 60/06 i 35/08), nepružanjem zahtijevanih podataka za poreske periode oktobar i decembar 2018.godine i februar, april i juli 2019.godine, kao i pužanjem lažnih podatka za poreski period 01.06.2018. – 30.06.2018.godine koji su od bitnog uticaja na

utvrđivanje porezne obaveze, odnosno lažne podatke o svojim stečenim oporezivim prihodima i drugim činjenicama koje su od uticaja na utvrđivanje poreznih obaveza, na način da je za pravno lice „BAT TRANS“ d.o.o. Živinice po osnovu ostvarenog oporezivog prometa u iznosu od 479.170,00 KM, nije izvršila obračun i prijavljivanje PDV-e obaveze u ukupnom iznosu od **81.458,90 KM** (2018.godine 60.350,00 KM i 2019.godine 21.108,90 KM) za koji iznos je oštećen budžet BiH i to:

- U PDV prijavi za porezni period od **01.06.2018.-30.06.2018.** nije prikazan oporezivi promet po fakturi br. 04/2018 od 14.06.2018. godine u iznosu od 140.000,00 KM i nije obračunata i prijavljena u PDV prijavi poreska obaveza PDV-a u iznosu od 23.800,00 KM,
- za porezni period od **01.10.2018.-31.10.2018.** nije podnesena PDV prijava sa oporezivim prometom po fakturi br. 08/2018 od 10.10.2018. godine u iznosu od 65.000,00 KM i nije obračunata i prijavljena poreska obaveza PDV-a u iznosu od 11.050,00 KM,
- za porezni period od **01.12.2018.-31.12.2018.** nije podnesena PDV prijava sa oporezivim prometom po fakturama br. 05/2018 od 14.12.2018., 06/2018 od 14.12.2018. i 07/2018 od 14.12.2018. godine u ukupnom iznosu od 150.000,00 KM i nije obračunata i prijavljena poreska obaveza PDV-a u iznosu od 25.500,00 KM,
- za porezni period od **01.02.2019.-28.02.2019.** nije podnesena PDV prijava sa oporezivim prometom po fakturi br. 01/2019 od 27.02.2019. godine u iznosu od 170,00 KM i nije obračunata i prijavljena poreska obaveza PDV-a u iznosu od 28,00 KM,
- za porezni period od **01.04.2019.-30.04.2019.** nije podnesena PDV prijava sa oporezivim prometom po fakturama br. 04/2019 od 22.04.2019., 05/2019 od 23.04.2019., 02/2019 od 22.04.2019. i 03/2019 od 22.04.2019. godine u ukupnom iznosu od 122.000,00 KM KM i nije obračunata i prijavljena poreska obaveza PDV-a u iznosu od 20.740,00 KM,
- za porezni period od **01.07.2019.-31.07.2019.** nije podnesena PDV prijava sa oporezivim prometom po fakturi br. 05/2019 od 22.07.2019. godine u iznosu od 2.000,00 KM i nije obračunata i prijavljena poreska obaveza PDV-a u iznosu od 340,00 KM.

- 2. PRAVNO LICE “BAT TRANS“ d.o.o. za proizvodnju i promet roba i usluga, export-import Živinice** sa sjedištem u [REDACTED] Živinice ID broj: [REDACTED], kao pravno lice je raspolagalo protivpravno ostvarenom imovinskom koristi u ukupnom iznosu od 81.458,90 KM koju je u ime, za račun i u korist iste, ostvarila osumnjičena Elvira Breko u svojstvu osnivača i lica ovlaštenog za zastupanje pravnog lica bez ograničenja na način opisan pod tačkom 1.

čime su: počinili

- Elvira Breko krivično djelo – *Poreska utaja ili prevara iz člana 210. stav 3. u vezi sa stavom 1. Krivičnog zakona Bosne i Hercegovine*, a
- pravno lice “BAT TRANS“ d.o.o. Živinice krivično djelo - *Poreska utaja ili prevara iz člana 210. stav 3. u vezi sa stavom 1. i članom 124 Krivičnog zakona Bosne i Hercegovine*.

Tužilac  
Tužilaštva-Tužiteljstva BiH